

Conversations & textos

Tertie lection / Tredje lektion



In un angulo del bibliotheca nos trova nostre amico, Sr. Interlingua. Nos le interrompe in le lectura de un manual.

Nos: Excusa que nos te disturba, ma nos ha qualque questiones re interlingua.

Sr. Interlingua: Bon! Io pote leger le resto del libro plus tarde. Demanda!

Nos: Primo, es il ver que interlingua es facile a apprender pro gente de omne nationes?

Sr. Interlingua: Si, interlingua es basate sur le vocabulos international, que se origina del linguas sequente: anglese, germano, francese, espaniol, italiano, portugese e russo. Iste linguas es diffundite in tote le mundo, e si on cognosce un de iste linguas, interlingua non es difficile, proque on ja cognosce multe parolas.

Nos: Il es mentionate que ja existe un grande numero de linguas auxiliar.

Sr. Interlingua: Correcte, ma omne iste linguas, excepte interlingua, es linguas artificial.

Vocabulario / Ordliste

angulo: hjørne

bibliotheca: bibliotek

trovar: at finde

lectura: læsning

manual: hånd-, lærebog

excusa!: undskyld!

disturbar: at forstyrre

question: spørgsmål

resto: (en) rest

primo: for det første

ver: sand

apprender: at lære

gente: folk

nation: nation

basar: at basere

vocabulo: ord, glose

international: international

originar se de: at stamme fra

latino: latin

germano: tysk

francese: fransk

italiano: italiensk

portugese: portugisisk

russo: russisk

diffunder: at udbrede

cognoscer: at kende

difficile: svær, vanskelig

jam: allerede

exister: at eksistere

grande: stor

numero: antal, nummer

auxiliar: hjælpe-

correcte: rigtig, korrekt

excepte: undtagen

artificial: kunstig

mentionar: at nævne

etc.: o.s.v.

natural: naturlig

elemento: bestanddel

elegante: elegant

population: befolkning

p.ex.: f.eks.

Espania: Spanien

Italia: Italien

antea: tidligere, før

simile a: lig

romanic: romansk

pronunciar: at udtale

ric: rig

estranier: fremmed

signification: betydning

richessa: rigdom

clave: nøgle

national: national

objecto: formål

adjutar: at hjælpe

communication: kommunikation

mundial: verdens-

unir: at forene

communicar: at samtale, at kommunikere

utile: nyttig

importante: vigtig

pace: fred

necesse: nødvendig

traducer: at oversætte

documento: dokument

plure: adskillige

construer: at bygge

ponte: bro

lingual: sprog-

Interlingua es un lingua natural, sin elementos artificial, illo es elegante e international, e quando vos parla interlingua, le population in p.ex. (per exemplo) Espania e Italia vos comprende, mesmo si illes non antea ha apprendite interlin-

gua. Illo es simile al linguas romanic, e le maniera de pronunciar le vocabulos es anque simile a iste linguas.

Vostre linguas es ric de parolas estranier, e sovente vos non cognosce le signification de



INTERLINGUA-KURSUS FOR BEGYNDERE: 3-TIE LECTION

iste parolas. Per interlingua vos apprende isto. On pote dicer que interlingua con su ricchezza de parolas international es le clave a vostre linguas national.

Nos: Que es le objecto de interlingua?

Sr. Interlingua: Le objecto de interlingua es adjutar gente ab omne paisas con le communication international. Le linguas mundial, anglese etc. (et cetera), non es facile a apprender e usar pro omne homines. Le gente pote unir se e usar interlingua, e con isto illes pote communicar sin problemas. Le personas, a qui illes parla, les comprende. Isto es utile e importante pro le pace, e il non es necesse traducer documentos etc. a plure linguas. On pote dicer que per interlingua on ha construite un ponte lingual inter le populationes del mundo. ■